

★中華民國二十七年十二月初版

武裝同志用

戰時軍人尸骸

堅忍編纂

西安南院門街九州書局印行

戰時軍人尺牘例言

一 本書爲便利武裝同志攜帶起見、特訂小冊；此與其他尺牘不同者其一也。

二 內容以戰時需要者爲主、所備篇數不繁、但取材謹嚴、凡所示範、堪供楷模、此與其他鴻篇巨冊之尺牘不同者又一。

三 家書一項、非惟措詞易得、且亦日常之事、故付缺如、免災梨棗；此與他書不同者三也。

戰時軍人尺牘目錄

上編 交際類

賀軍長到任信
賀新得軍官信
賀新任旅長信
賀新任團長信
賀新任營長信
賀新任連長信
答蒞任勿迎信
請臨餞別會信
謝歡送會信
別後謝僚屬信

約入同迎上司信

請官長宴飲信

謝人招待信

問候當地老百姓信

問候當地友軍信

謝慰勞團信

送別本部至友信

謝報告情形信

討教軍務情形信

約期商議軍情信

約友同往聽訓信

謝官長照拂信

謝同事代辦職務信

中編 服務類

條陳軍事信

接防後徵求紳士意見信

詢問防地敵情信

答復友軍詢敵方詳情信

囑加勤訓練信

請撥軍餉信

飭人領餉信

復發軍餉信

請友軍助戰信

報告殲滅倭寇信

報告出防情形信

商義勇警察情形信

請友軍約束所部信

請補充兵額信

請派弟兄保護信

向官長請假信

因病辭弗升任信

陳報斥革排長信

請協捕虧餉潛逃信

請派隊赴某處彈壓信

催詢到差信

因事請續假信

辭却委差信

下編 懇託類

介紹某隱書記信

介紹軍需信

介紹錄事信

託代請政訓人員信

託代請僱員信

託代調停與友軍誤會信

託謀差使信

懇求他調信

懇求弗調信

代友懇情照拂信

託代辦服裝信

託代帶公事信

託代探訪情形信

介紹赴友軍部參觀信

因病請友代理信

因事懇求准假信

請人代表出席聲明信

附 三民主義青年團團章
蔣委員長告青年團書

袖珍本三民主義

(實價六角)

戰時軍人尺牘

◎上編 交際類

賀軍長到任

○○軍長麾下。敬肅者。夙欽

龍驤。未遑瞻


韓之願。頃來鵠報。頓慰蒸

藺之忱。恭維

功高富韓。

望隆衛霍。

玉珥共牙璋並賜。



全鉦與黃鉞齊輝。

雲霓在望。葵藿傾心。某鹿鹿庸才。銷輪蹄於奔走。魚魚末學。勞鞅掌於簿書。負弩無緣。久仰

鷹揚之績。執輒有願。謹歌燕喜之章。肅箋恭賀

榮禧。祇請

助安伏乞

垂鑒。

○○○謹上

賀得軍官

○○先生麾下。謹肅者。久仰

鴻才。懷思正切。頃聞

鵠報。忻忭殊深。敬繕

符握三軍。

威揚五族。

龍韜示武。總師旅以屬戎行。

虎帳宣猷。備千城而膺上選。

柳營在望。藻頌彌殷。某自愧庸愚。依然株守。請纓年誤。漫思投筆於班超。拔幟心雄。爭羨

來風於宗慤。肅修俚簡。敬賀

榮禧。祇請

麾安。

賀新任旅長

○○○謹肅

○○旅長台座。遠阻鷗程。致疎雁訊。頃傳

鵲報。喜聽

鶯遷。以

執事久歷戎行。熟諳韜略。宜乎上台器重。倚道濟爲長城。而帳下健兒。聞

節麾之榮蒞。亦無不荷戈執戟。願效馳驅也。某忝維邑符。際茲民氣囂張。萑

符未靖。每有綆短汲深之懼。茲幸一方共事。得以時接

音塵。此後除莠安良。正多

借箸。翹瞻虎帳。不勝歡迎。先此馳賀。順頌

台祺

○○○鞠躬

賀新任團長

○○鈞長麾下。久仰

英範。時殷欽企。頃得

喜音。欣慰私衷。祇維

坐鎮雍容。

領帶雄師。

崇隆威望。

作保障於一方。引睇

新猷。定符下頌。某自媿文弱。少歷戎行。既無借箸之謀。空有請纓之願。

將星朗曜。仰之彌高。誦秋水溯洄。思懷曷極。專肅奉賀

崇禧。敬頌

勛安。

○○○謹上

賀新任營長

○○營長台座。夙承

恩拂。感若春風。緬隔

慈暉。愛同旭日。頃閱

吉報。忭慰私忱。敬維

干城備選。

詩詠兪置之章。

帷幄運籌。

才擅龍韜之祕。仰瞻

虎步。倍切瞻虞。某學慚窺豹。業愧囊螢。投筆雖然有懷。請纓實屬無路。未諳孫略。欲附

驥而靡由。願著祖鞭。效聞雞以起舞。專肅恭賀

崇禧。敬請

助安。

賀新任連長

○○○謹上

○○○連長台鑒。溯達

鈞侍。歲琯載更。馳戀微忱。與時俱永。日昨傳來

吉報。敬誌

榮膺○連。引瞻

槩範。莫罄綦蒲。某偏隅寄跡。鹿鹿無聞。往年於役○○。一接膺門之席。

今更

德輝在望。棠蔭方濃。會當叩謁

台階。上承

訓誨庶幾遵循有自。絃佩勿謬。端牘玆詞。先伸賀悃。敬請

勳安。惟希

垂照。

○○○謹啓

答蒞任勿迎

○○先生閣下。昨披

華函。辱荷

寵辭。獎飾逾恆。悚慚無地。伏諗

榮間休咎。

政履清嘉。式如下頌。某戎間奔走。本無寸功。一時忝竊虛榮。濫叨異數。日夜懷惕。深以覆餗爲虞。所喜近接

德鄰。得以就正

高賢。下匡不逮。此後地方公益。叨

教正多。擬於某日束裝。輕車就任。萬勿

遠勞玉趾。出境相迎。重增咎戾。良晤不遠。慶幸何如。先此答復。順頌
台綏不既。

○○鞠躬

請臨餞別會以留紀念

台旌戒道。即日南移。眷念

德輝。末由攀挽。予懷繚結。楮墨難宣。溯自我

公就任以來。擘畫經營。百端就理。此邦人士。被

澤已久。一聞

福星他徙。莫不情殷借寇。有攀轅臥轍之思。況某等久隸

仁幘。親沾

化雨。飄歌忽唱。能不依依。茲謹擇於某日。假座某處。以竟日之清談。留

一時之紀念。恭請

大駕惠蒞。勿辜衆望而順輿情。詠甘棠蔽芾之章。不覺穆然意遠矣。肅此奉約。佇候

行旌。

○○○謹啓

謝歡送會

頃奉

華簡。猥以鄙人去職遠行。辱荷

寵招。並擬開會以留紀念。聆悉之下。惶愧不勝。伏念鄙人視事此間。際逾兩載。力小而任重。志大而才疎。職守多虧。百無成就。撫衷自問。寢饋難安。方引過之不遑。又復何德何能。敢辱

諸君之眷顧。顧頻年聚處。誼重情深。遽爾睽違。亦自有依依莫釋者。會當應

命來前。敬聆

諸君之雅教。至鄙人區區之兩款。亦得藉此一傾寫之。手此奉復。順頌公安。

○○鞠躬

別後謝僚屬

長亭揖別。

誼重情深。一路追思。覺

諸君愛我之殷。雖潭水悠悠。未足方其縣遠。辰維勳定增綏。

因時納祐。翹瞻

雲樹。不盡依馳。某別後車塵馬足。跋涉長途。漸於某月某日。行抵此間。受職視事。諸務紛集。茫無端緒。而又人地生疎。無可引與商榷者。回憶前此。與

諸君晨夕盤桓。辱承不棄疎庸。推誠布腹。獲

益良多。眷念前塵。良用悵惘。惟盼
時頒尺一。以辱教之。幸甚。肅泐。敬頌
台祺。

○○鞠躬

約人同迎上司

○○先生閣下。幸接

德鄰。時承

雅教。想輕裘緩帶。坐鎮雍容。

履社因時。勳勞篤著。爲頌。茲啓者。接友人來函。知某公于某日由京起行。
。約計某日可抵某處。弟以某公節履紆蒞。進行方略。事事均待稟商。擬即
束裝前往迎謁。想

尊處亦得有探報。如須晉見。不妨到此同行。弟既得附

驥前趨。一切情形。亦可互相接洽。叨

益多矣。手此奉約。敬候

惠復。順頌
台祺。

請官長宴飲

○○鞠躬

○○先生閣下。日昨趨詣

鈴轅。得親

光采。霏珠屑玉。傾倒不勝。鄙人久飢

盛名。一朝邂逅。促膝把臂。頓慰飢渴之私。此後共事一方。布置經營。在
在須叨

教益。茲謹於翌日午刻。假座某處。略備杯酌。以便談心。務望
大駕寵臨。勿棄是幸。專此奉約。敬請
勳安。

○○鞠躬

謝人招待

○○先生 下。揖別回防。一路託

庇平善。勞

錦注。比維

威望允孚。動定協吉。爲無量頌。某此次因公到郡。入地生疎。方嗟悵悵無之。乃荷

執事適館授餐。殷勤招待。不特起居一切。諸形便利。而於辦事之方法條理。亦無不

指示周詳。使某循分趨公。免憂隕越。備承

嘉惠。感佩難忘。削簡陳詞。謹抒謝悃。圖報有日。不盡依依。敬請

台安。諸惟

愛照。

○○鞠躬

問候當地老百姓

○○先生閣下。久耳

英名。未承

雅教。私衷傾慕。楮墨難宣。比維

榮間休嘉。履祺篤祐。爲無量頌。某一介武夫。謬膺重寄。就戰以後。

珂鄉人士之過從者。語及我

公。莫不同聲交譽。知歷年

主持公益。望實交孚。

麟角鳳毛。巋然表異。嗣後倘有

高見。尙祈不棄蠲庸。以質直之言。推誠相告。爲幸滋甚。專肅布臆。敬候

台安不備。

○○鞠躬

問候當地友軍

○○先生閣下。久思御

李。未遑瞻

韓。仰止

高山。彌深神往。比維

勳猷卓越。動定綏和。爲頌爲慰。某以樗散之材。辱承

○長知遇。畀以艱鉅。力小任重。時懷覆餗之虞。

執事久處巖疆。於當地情形。久已瞭如指掌。所望

同心協力。共濟時艱。以歷練之名言。

作馳驅之先導。引瞻

光采。不盡欽遲。相晤匪遙。先此布臆。敬問

台安

○○鞠躬

謝慰勞團

○○慰勞團大鑒。頃奉

手教。附以

隆儀。既

獎借之過情。復

恩施之逾格。受之滋愧。卻之不恭。謹已拜

嘉。至深感謝。此次奉調出防、勉効馳驅。本爲吾輩軍人應盡之天職。遭逢
幸運。不及旬日。萌孽漸消、無功可言。安敢受賞。然

貴國之厚愛。邦人士之盛情。挾髓淪肌。至優極渥。謹以分賜部曲。莫不醉
飽歡呼。願効微勞。以仰酬於萬一也。肅復鳴謝。敬請

勳安。統希

愛照。

○○鞠躬

送別本部至友

○○仁兄閣下。傳來鵲語。喜報

鶯遷。言念

伊人。從此秋水蒹葭。彌增洄溯矣。比維

景福時中。

勳華日懋。

德輝近接。同舟方殷共濟之心。

偉略遙傳。異地復來借材之電。寸心耿耿。不盡依馳。某頻年聚首。遇事得以商榷。叨益正多。一旦分張。心滋於邑。又以牽於職務。未能走餞。略罄離衷。削牘將忱。惟希

愛照爲幸。順頌

台安。

○○鞠躬

謝報告情形

○○執事閣下。前接

惠函。承將某事原委。詳悉見告。俾某得知此中真相。預籌辦法。心感之至。比維

卽事多欣。百凡順適。爲頌。某下車伊始。事務叢集。頭緒紛繁。幾於擗植索塗。莫從措手。所賴

地方賢達。不棄疎庸。以真知灼見之情形。爲推誠布公之報告。庶得集思廣益。措置因應。不失機宜。瞻望德音。良深歡躍。肅泐布謝。順頌台綏。

討教軍務情形

○○鞠躬

○○先生閣下。夙耳

鴻聲。祇以浪跡四方。不獲承

顏接教。高山仰止。徒切懷思。辰維

鼎祉延釐。

政躬納福。

令聞遠播。望實交孚。某就職海隅。瞬將一載。限於才力。布置多疎。此後捍衛防禦之方。有關更革者。亟欲親謁台端。躬承

指示。俟事務稍定。即當策騎趨前。冀遂撫衣之願。先此肅達。敬請

勛安。諸維

垂察。

○○鞠躬

約期商議軍情

○○先生閣下。頃自郡中歸。知

台從過存。有失迎迓。歉甚歉甚。數年闊別。急欲一親

芝宇。稍慰輻飢。且關於職務上一切情形。待

商之處甚夥。幸值

德輝遙賁。萬不可交臂失之也。

大駕想尚須小作勾留。明日上午十句鐘。擬造

尊寓奉訪。幸勿他出爲荷。肅請

台安。

○○鞠躬

約友同往聽訓

○○仁兄閣下。日昨造謁。適值

台駕公出。未能把晤。悵甚。聞某公發起軍警聯合會。聯絡兩方感情。消弭彼此意見。實爲最善之舉。於某日開成立大會。並請

○長訓話。

尊處諒已接有通告。某公道高望重。久爲一方所信仰。提創斯舉。必有明效。屆時演說。亦必有切實中肯之談。某亟擬前往參觀。

閣下如表同情。請先時過我。以便同行。至盼。手此奉約。順頌
大安。
○○鞠躬

謝官長照拂

○○先生鈞鑒。日前趨謁

崇階、而聆

清誨。藉紓渴慕。感切中臆。辰維

節座綈釐。

鈞樞曼祉。慰符下頌。某一官濫落幸託
仁幘。自顧庸愚。何足仰邀

青睞。乃

膺門列坐。既欽

量宇之高深。復荷

情文之稠疊。寵叨非分。感極涕零。嗣後惟有矢慎矢勤。倍加勉奮。以答
關垂之盛意。

雲天在望。不盡依馳。肅泐布懷。敬請

助安。伏惟

荃照。

謝同事代辦職務

○○謹啓

○○先生閣下。揖別以來。時殷懷想。維

履綦綏吉。爲頌。某此次因家慈抱恙。請假南旋。有曠職務。乃荷雅愛殷拳。允爲代攝。

雲天高誼。迴越等倫。現於某日抵家。慈親病體。雖較前略減。尙未霍然。無術分身。至爲焦灼。擬再留旬日。俟侍奉之事稍簡。卽當尅日來前。面罄謝忱。久瀆

清神。抱歉無狀。愛我如

閣下。或能終始鑒原也。先此布達。敬請

台安。

○○鞠躬

口中編 服務類

條陳軍事

○部鈞鑒。竊惟戰勝攻取。固在器械之精利。尤貴謀略之優長。所謂運籌於帷幄之中。決勝於廟堂之上。知彼知己。百戰百勝也。某供職邊陲。歷年來

防邊勦寇。種種布置。仰賴

大部指示周詳。遵率而行。得毋隕越。顧對於某事。竊有意見數端。不敢自安緘默。明知妄參末議。無當

高深。然泰山不讓土壤。河海不擇細流。閱歷所經。敢以蠡管之談。作芻蕘之獻。另紙繕具條陳一扣。是否可採。伏候批示遵行。臨稟悚惶。敬希垂察。

○○謹肅

接防後徵求紳士意見

○○先生閣下。夙耳

鴻名。未承

塵教。五中企慕。莫罄言宣。比經

燕履延綏。爲頌。某調防以來。端緒紛繁。莫得要領。所賴地方賢達。不棄疎庸。錫以教言。開其茅塞。我

公通才碩學。久爲一鄉人望所歸。公益主持。多歷年所。必有獨到之見。精闢之論。足以示我南針。珂鄉利弊所關。萬勿引嫌守默。金玉爾音也。瞻望德輝。佇候明教。肅請

台安。

○○鞠躬

詢問防地敵情

○○先生閣下。達

教積時。至殷懷想。比維

禔祺蒞莽。

政社翊華。爲頌爲慰。昨閱某報內載某處敵寇。近頗有蠢動之勢。是否報紙謠傳、抑或略有蹤影。道途遙隔。不勝懸系。盡畫如何。布置調遣之方。想早已胸有成竹。乞卽

密示一二。敝處誼同袍澤。倘有借箸之處。自當不分畛域。策騎相從。然以

鄙意測之。

麾下威望夙著。雄師坐鎮。不難消患於無形。小醜跳梁。正無庸總總慮也。專肅奉詢。敬頌

捷安。佇盼

惠復。

○○鞠

答復友軍詢敵方詳情

○○先生閣下。昨辱

惠書。猥以境內寇勢蠢動。重勞

睿注。並

允遣師相助。同仇敵愾。情意肅然。五中感慕。此次倭寇在敝地竄擾。幸敵處先有風聞。急電請援。預定兩面兜捕之策。不及十日。一律撲除。自幸辦理尚速。不致蔓延貽禍。差免罪戾耳。外間輿論如何。倘有所聞。尚乞隨時關照。至綴公誼。肅泐奉復。謹謝

注存。並頌

台綏不盡縷縷。

○○鞠躬

囑加勤訓練

○○先生閣下。久遠

音采渴念殊深。邇維

勳祺懋介。爲頌。某處地處咽喉。爲關中重鎮。應卽撥隊駐紮。以資鎮懾。

前曾有公文遞至

台端。想已接洽。目下寇氛雖已掃除。地方安謐。然軍心士氣。久則生懈。

宜勤加訓練。其出防在外者。亦宜隨時抽調。會合操演。俾成節制之師。

執事久歷戎行。威名夙著。必能整軍經武。爲

國干城也。

燕畫如何。便希示及。肅泐。敬頌

大安。

○○鞠躬

請撥軍餉

○○先生閣下。前發一電。想已上達
典籤。尚未接復。比維

籌祺迪吉。式如下頌。茲懇者。敝○薪餉積欠。已達三月。庚癸頻呼。竭蹶

萬狀。現屆防務吃緊之際。若不速籌散放。不足以安軍心。明知
尊處綜籌全局。庫藏支絀。出入不敷。自有爲難之隱况。尚懇移緩就急。提
彼注茲。或先放一關。或電致縣署稅局。就近撥給若干。以資救急。情同望

澤。追待

垂俞。再肅請

命。敬頌

台安。

○○鞠躬

飭人領餉

○○先生閣下。違侍

音塵。頻勞夢戰。想軍需旁午。

綜顧兼籌。賢勞倍著矣。敝○待餉情形。萬分激切。前已肅函奉布。諒邀
明鑒。茲因出防在即。迫不及待。特差某員賁帶公文印據。前往請領。務懇
驗明撥放。餉項爲行軍命脈。必士飽馬騰。然後能殺敵致果。

尊處綜持全局。容有不能得心應手之時。尙望
揆度情形。先爲挹彼注茲之計。

顧全公誼。感禱同深。專肅奉懇。敬請

勳安。諸惟

荃照。

○○鞠躬

復發軍餉

○○○長麾下。翹望

虎威。時深燕賀。接奉

大札。敬悉種因。某才具淺短。謬掌軍需。未能先事預籌。轉輸無缺。理財

之拙。愧對

同人。然出入相權。根本上距離已遠。徒爲剜肉補瘡之計。宜有左支右絀之形。

尊處待餉孔殷。茲於迫不得已之中。先籌三月餉款。暫備散放。餘俟陸續籌

畫。隨後匯撥。

執事公忠體國。當能

曲諒其難。好在部下健兒。無不

懷德畏威。相依有素。一經開誠勸告。亦必共體時艱。翕然悅服也。專此布

復。敬希

鑒原。順請

〇〇鞠躬

請友軍助戰

敬啓者。頃接諜報處訊。匪類嘯聚。黨羽衆多。時出擾掠。居民頗以爲患。

荏苒不靖。實吾輩武人之恥。擬即督隊前進。相機勦捕。惟該處地居衝要。此擊彼竄。勢所必至。若不布置周密。而輕於一擊。則狼突豕奔。地方必遭蹂躪。爲此專函奉達。懇求 不分畛域。飭撥營隊若干。約期會勦。以絕根株。幸甚幸甚。一切辦法。俟得復後。再行會商。專此馳達。敬請 勳安。立盼 惠復。

報告殲滅倭寇

○○鞠躬

○○長麾下。日前接奉 鈞諭。以某地倭寇。頗有蠢動之勢。當即星夜拔隊。馳往堵防。乃大兵到後。寇酋猶敢恃衆抗拒。某督率所部。迎頭痛擊。相持至四小時。勢不能支。餘衆四散奔竄。某深恐其潰散後。擾及他方。爰即派隊跟蹤追襲。務絕根株。一面親入山內。拆毀工事。搜捕餘孽。所有格斃人犯及奪獲槍枝馬匹等。

另行開具清冊。呈報

核奪。餘俟辦理就緒。再行稟陳。肅此馳報。恭請

崇安。伏候

訓示。

○○謹肅

報告出防情形

○長麾下。日前到省。趨謁

鈞座。當蒙

指示周詳。曷勝欽佩。承

諭謂某處地屬要衝。倭寇擬犯某城。應即移隊駐紮。以資鎮攝。回營後督隊出發。以某日行抵該處。山勢險峻。林密水深。誠爲行軍所必爭之地。目下已察度形勢。妥爲布置。勸諭當地同胞。舉辦保甲。幫同捍衛。一面多派間探。四出探訪。如得有敵軍確實消息。當即隨時馳稟。取示機宜。惟軍械子彈。尙不敷用。前已面陳。懇

速爲籌撥。派員護解前來。無任盼叩。先此馳稟。恭請
勳安。

○○謹肅

商義勇警察情形

○○先生閣下。披誦

手書。感荷

錦注。復承

虛懷若谷。以義勇警察之組織情形

詢及芻蕘。足見實事求是。不自滿假之心。無任欽佩。某前此供職警務。雖
歷數年。然成績毫無。何敢以迂疎不切事理之談。撓瀆

清聽。大抵無論何事。患在循私敷衍。若真能持以實心實力。處處考求。決
無不煥然改色者。至警政頭緒雖繁。而對於巡士。取其樸實而無習氣。對於
巡官。取其勤慎而有學識。某昔日之宗旨。不外此二語也。老馬豈真識途。
承一再

垂詢。勉書塞責。

高明諒之。泐復。卽頌

台綏。

○○鞠躬

請友軍約束所部

○○先生閣下。不晤甚念。比想

督率稽查。勤勞倍著。爲頌。近日地方人士。對於貴軍之舉動。頗有不慊之談。而尤以某案爲其集矢之的。大抵此輩不學無術。履行職務。急於邀功。遂不免興風作浪。借端生事之處。務請

諄諄誥諭。嚴爲約束。勿令節外生枝。多所牽涉。以實行保衛爲宗旨。庶可融洽地方之感情。明知辦事困難。每有求全之毀。吾輩惟有盡其在我。格外慎勉而已。質直之談。尙希

鑒諒爲幸。手此卽頌

時祺。

○○鞠躬

請補充兵額

○○先生閣下。仰託

仁幘。得以時承

明誨。欣幸何如。謹啓者。前因募充新兵時。以時間短促。就地招集。多數未具普通知識。自某就職以後。亟亟整理。未敢稍懈。惟敝處轄區甚廣。人數仍不敷分布。前已將此情上陳。可否酌量推廣名額。庶可乘時效用。據實陳請。伏乞察酌施行。恭請崇安不備。

○○謹啓

請派弟兄保護

○○先生閣下。久違

駿範。彌切馳思。邇維

履祉。因時。式孚下頌。時屆小春。

貴處棉花正旺之際。昨據棉業○商。函稱開秤收買。絡繹裝運出口。惟地面遼闊。疎失宜防。懇飭派兵妥爲保護等語。已由敝處復准。望卽查照情形。酌撥弟兄○名。押運。以盡保商之義。無稍疎虞。是爲至要。專此奉達。順頌

大安。

○○鞠躬

向官長請假

○○先生台座。遙候

音采。頻企

勳猷。祇維

鼎祉休和。政躬安吉。爲頌无量。某一官匏繫。幸依

仁宇。遇事稟承而行。故雖燿昧之材。亦得免於覆餗。乃昨接家信。以離鄉

日久。慈母衰年。彌切倚闥之望。白雲親舍。思之黯然。

用敢剖達下情。懇卽

准假。俾得回鄉定省。稍遂烏私。圖報有期。伏求
察鑒。惶切待命。敬請
勳安。

○○鞠躬

因病辭弗升任

○長台座。昨接

鈞札。知蒙委任某職以。之疎拙。乃辱邀

賞拔。自應感激奮發。上効

馳驅。然此席任重事繁。非才具開展學識宏深者。不足以勝任愉快。某何人
斯。而敢當此。且近來舊疾觸發。精力衰殆。已無復少年時之意氣。策駑駘
以歷峻坂。必有蹉跎之虞。言出至誠。毫無假飾。伏望

收回前命。另選賢能。苟遇相當之事。爲某力所能勝。尙當求庇
仁帡。力圖報稱也。據實上瀆。敬懇

垂照。恭叩

崇安。

○○鞠躬

陳報斥革排長

○○先生台座。叩謁

鈞顏。備承

訓示。歸後遵此布置。頓覺有條不紊。昭若發矇矣。排長○○於○○勤務知識。甚爲缺乏。現經地方稟許。某派人澈查。其辦事誠不無操躬鹵莽。足招物議者。業已革除另補。呈報

備案。某嗣後對於部下之意見。惟在慎重用人。勤加考察。以不廢事而又不多事者爲上。庶與保衛地方人民之責任。不相背馳。敬乞

隨時教誨。俾可率循。幸甚幸甚。肅泐。敬請
助安。

○○謹啓

請協捕虧餉潛逃

○○先生閣下。自隔

汪波恆懷。

芝采。祇惟

履祺安燕。

鼎社延鴻。爲頌。某一官斃繫。碌碌頻年。建樹毫無。因循滋媿。茲懇者。

敝處軍需○○。虧餉潛逃。已呈報上官。行文嚴緝。茲特將該員年歲履歷。

另單開明。並附相片。懇請

尊處飭下所屬。一體協拿。毋任漏網。備綴

公誼。肅布。順頌

台安。

○○鞠躬

請派隊赴某處彈壓

○○先生麾下。前次

台旌過境。雄談抵掌。備聞

偉略。傾佩莫名。比維

坐鎮雍容。師貞協吉。昨據○○地呈報○○等處。匪蹤出沒。時爲閭閻之患。敝處察度情勢。惟

貴部距離較近。請卽酌撥營隊若干。前往駐紮。以資鎮懾。荏苒小醜。聞大樹威名。當必瓦解冰消。望風奔竄。事關公誼。望切同袍。駐節後如何情形。尙望隨時

見示。專此布達。卽頌捷安。

○○鞠躬

催詢到差

○○先生閣下。久隔

鴻暉。時深苑結。忽傳

喜報。知

執事榮任來寧。從此共事一方。得以朝夕承

教。何快如之。乃翹企

行旌。遲遲未至。望風引領。彌用懷疑。此間諸務紛乘。急賴大才相助爲理。用敢專函諒駕。務懇

早日惠臨。俾慰飢渴之私。而遂晤言之願。能於啓行前。先賜一書。尤所深禱。肅泐。卽頌
台安。

○○鞠躬

因事請續假

○○先生鈞座。歷年仰企

台暉。彌殷嚮往。一旦託隸

仁宇。幸遂瞻依。乃箋記未申。而

琅函忽賁。殷殷垂愛。感激難言。就諗

禋履凝綏。

台樞篤祐。式符頌祝。某自邀任命以後。本當卽日束裝。趨承鈞誨。因奔馳

日久。不得不紆道還鄉。省視老母。乃堂上衰年多病。侍奉湯藥。一時未便遠離。因私廢公。有羈職守。殊深惶悚。伏乞

鑒其下悃。賞假一月。嗣後銷假就職。圖報之日正長。懇切上陳。至求垂允。敬叩

崇安。

○○謹上

辭却委差

○公麾下。聞將移師○○。當此國難期內。軍書旁午。概可想見。比承賜教。獲稔

貴體強健。諸事順適。已足徵殺敵致果之兆。洵堪額手。辱承不棄。委僕以○○之職。天下興亡匹夫有責。乘此報效行間。稍盡報國之志。自是難得機會。况荷知遇之隆。屬望之厚。寧敢有所蕙諉。致辜相知之雅。倚畀之殷。無如此間主任○○公。爲僕唯一恩師。隨侍多年。事煩任重。公亦推置心腹。委以全權。在未得相當替人之前。似未便舍之而去。且○○公已聞

台端函召之事。立卽親臨相沮。有共進同退之約。情勢如此。實屬萬難脫身。因思○公年來交游極簡。現在所持。唯僕一人。而執事親故門生。徧於全國。夾袋人才。無虞萬千。失僕一人。有何關係。兩難相權。不得不就彼而去此。恐勞遠注。亟先布覆。一切尙祈鑒原是幸專肅卽請
助安

○○○鞠躬

下編 懇託類

介紹某隊書記

○○先生閣下。歷碌公私。久未趨

教。傾馳之願。與日俱深頃聞某君過存。述及

貴○中缺乏書記。未諗延攬所及。已得相當之材否。茲有舊友○○。品性愜爽。文辭華瞻。翩翩掌記。久已蜚聲。且於公牘文字。尤爲嫻熟。近因倦遊

歸里。欲得一席。就便寧家。倘荷

招邀入幕。必能左宜右有。勝任愉快也。附呈○君舊稿一本。以備

察閱。可否之處。敬希

示及爲荷。手肅。敬頌

台祺。

○○鞠躬

介紹軍需

○○先生閣下。睽隔

芝輝。時懷渴想。忽傳吉報。喜聽

營遷。

執事以絕特之材。總師干之任。

英名偉略。焜耀當時。際此

戰帳宏開。奔走後先。需材必衆。茲有至友○○。才識開展。在軍隊中供職有年。故於營制餉章。極爲熟習。

尊處軍需一職。如尙未任命。○君似極相宜。倘荷禮延。必能就熟駕輕。爲

公臂助。某非相知有素。不敢貿然介紹也。可否之處。敬乞

裁安。專肅。祇請

助安

○○鞠躬

介紹錄事

○○先生閣下。日前匆匆一晤。未及暢談。爲悵。比想

道履休嘉。因時篤祐。茲啓者。舍親○○。前在法政學校○科畢業後。

又歷在軍警界就事。邇來賦閒家居。急思謀得一席爲餬口計。昨聞○○機關

。需用錄事。敬附上名條。懇即

轉爲紹介。○君於普通法學。頗具門徑。資格亦甚相當。倘荷吹噓。決不至

以羊公不舞之鶴。貽羞門下也。專此奉託。敬請

台安。諸希

愛照。

○○鞠躬

託代○請政訓人員

○○先生閣下。久稽箋候。自愧塵勞。近維紳佩翺華。

履絢叶吉。爲無量頌。某忝綜○○。視事以後。頗思振勵精神。有所表見。乃考察此間弟兄。前由招募而來。程度不一。雖不能具完全學問。亦富有普通知識。現在整頓方法。當先設政治訓練班。輪番抽調。使之習練。庶幾出而服務。於職守所在。不致茫然。擬請

執事代爲延訪。如有熟悉政務之學。願充是職者。可代聘訂。每月薪金五十元。合同以一年爲期。專此懇託。幸代

留意。順頌
台安。

○○鞠躬

託代請僱員

○○先生閣下。溯睽

鈞侍。兩易蟾圓。瞻望

雲霄。時增神往。伏維

禔躬納祐。

茵鼎延釐。式符私頌。某纖穉承乏。任重才疎。非得匡贊之才。必有顛危之懼。夙聞 ○○先生。才識淵深。意欲延致幕中。藉收臂助。第恐無因而至。或不見許於高賢。久荷

鈞座關垂。可否鑒其惓誠。代爲紹介。至 ○○先生如有若何之意見。但請表

鑒察。敬請

勳安。

○○鞠躬

託代調停與友軍誤會

○○先生閣下。葭水蒼蒼。

德輝在望。欽遲景仰。我勞如何。比維杖履優游。主持公論。爲慰爲頌。此次敝部與友軍誤會。原因複雜。台端早有所聞。兩方各執一詞。無從判決。且推求過甚。轉恐旁生枝節。傷觸感情。

先生以旁觀局外之人。作鑑空衡平之舉。出而調護。較易爲功。今之仲連。非

先生莫屬矣。素諗對於鄉里。抱具

熱心。用敢奉陳。卽希

察奪爲荷。肅請

道安不備。

○○鞠躬

託謀差使

○○先生閣下。昨奉

手書。備承

拳注。舊交篤誼。迴越尋常。感感。荷

垂詢近狀。本急欲修箋。貢達一二。某前在鄂垣。供職某事。鵲鷄暫息。未始非計。乃○公解組歸田。後之視事者。各機關紛紛更動。某亦不安於位。

上書辭職。回里蹠伏。將及一載。家無十畝之桑。未能優游終老。

閣下關垂舊雨。倘有相當之事。爲某力所能勝者。乞與

提攜。甚願執鞭以從。作下車之馮婦也。

新猷如何。便乞

賜示。藉廣聽聞。肅復。敬請

勳安不既。

○○鞠躬

懇求他調

○○先生閣下。前奉書敬問

起居。諒達

鑒掌。涼風天末。滄波渺然。近維

聞望日隆。慰符下頌。某受上台知遇。承乏此間。而誠信未孚。前以○事。與當地士紳。稍有衝激。雖經派委查明銷案。問心無愧。然感情稍損。竊恐此後辦事。有所牽礙。前於晉謁上台時。已將此意陳明。懇求他調。並非敢畏難自阻。或者因遷地而良。

執事垂愛素深。尚望

便中說項。倘償素願。則

曲成之德。永矢勿諼矣。肅泐奉懇。敬請
勛安。

○○鞠躬

懇求勿調

○○先生閣下。瞻言

道範。積歲神傾。翰素互馳。未抒菟結。比想

贊畫宣勤。聲華日爆。忤跂之至。某昨奉○○訓令。調防某處。馳驅國事。本不敢以私廢公。意存引避。然其中實有爲難隱況。謹以披露於

台端。一則老母年高。奉以前行。恐不勝舟車之勞頓。隻身就道。迹近絕裾。又復忽然不忍。一則供職此邦。先後五載。經手未完之件。非旦夕間所能清結。該處爭機迫不及待。斷難假以時日。使事畢而後成行。轉輾思維。諸多障礙。而此中委曲。又未便形諸稟牘。轉蹈畏難苟安之嫌。用敢懇請台端。於面談時委婉出之。倘荷

轉圜。感銘心版。持

愛忘瀆。諸希

鑒諒爲幸。肅請

台安。

○○鞠躬

代友懇情照拂

○○先生台座。頻年蓬梗。久隔

祥輝。遙望雲山。徒增馳戀。比維

履絢輯祉。

鼎佩翺華。爲頌。某渡海歸來。勞人自笑。聞

政聲之遠播。益念鴻雪之前緣。茲值舊友○君。新邀任命。束裝東下。幸隸仁幘。託其附致一箋。藉承

勳定。○君志趣不凡。才華發越。某與相知有素。敬乞

推愛辱教之。幸甚。肅此奉候。祇請
助安。

○○鞠躬

託代採辦服裝

○○先生閣下。奉誦

惠簡。知

從者將有○○之行。承詢有無委託事件。具綑

關注。感感。敝處前奉○○訓令。添招新軍○營。約下月中可以成立。其服
裝及軍需用品。急應備製。

執事歷經承辦。於品物之良窳。價格之高低。均所諗悉。敢乞上費

精神。代爲探辦。另單開列附上。一切詳情。明日當趨詣接洽。事屬因公。想不

見却也。先此奉懇。順頌
行安。

○○鞠躬

託代帶公事

○○先生閣下。昨荷

惠存。暢承

大教。清言妙緒。豁我塵襟。甚佩甚佩。

台從此番奉命。在他人視之。其中紛紜糾錯。頗難處理。然以大才前往。必能批導。游刃有餘。茲有公事一包。敬煩吉便代攜。飭送○處。又致○君信一封。亦已遵

命繕就。懇即面交爲幸。餘俟明後日走送時。面罄一一。手此布達。即請
行安。

○○鞠躬

託代探訪情形

○○先生閣下。京華于役。曾侍

清塵。旋返征輪。馳懷積歲。伏維

宏猷丕著。

景福駢蕃。引企

德輝。莫名忭頌。某邊隅僻處。忝執戎機。一介武夫。固不足與言國家大計。然寡聞鮮見。竊恐昧於大勢。以偏執遲緩之故。貽誤事機。

執事迴翔禁近。得月較先。敢乞將有關時局諸端。隨時探示。俾資因應而免叢脞。

南針之錫。感篆靡窮矣。肅此奉託。敬請台安。

○○鞠躬

介紹赴友軍部參觀

○○先生麾下。咫尺

芝輝。積元有疎晤

教。歉甚。○君自○來。聞知

細柳營前。軍容整肅。亟欲一瞻

槩載。藉識

教練之成規。囑某修函介紹。敬懇

示訂一期。以便轉復○君。屆期并乞妥爲招待是荷。匆匆布達。卽頌

大安。並候

惠復。

○○鞠躬

因病請代理

○○先生閣下。昨承

枉顧。深感

注存。病體支離。未能迎送。爲歉。今日賤恙較前更劇。遍體發熱。頭脊疼
欲裂。據醫者言。恐非數日間能愈。擬函達署長。請假半月。急急調治。此

間職務。意欲求

執事暫爲兼理。以免曠誤。想

誼篤愛深。必不見却如承

俞允。當於請假函內聲明之。先此奉商。敬候

裁答。順頌

台安

○○鞠躬

因事回籍懇求准假

敬啓者。昨接家書。今秋霖雨兼旬。溪流暴漲。以致先塋被水冲塌。聞信之下。愀然不安。某背井離鄉。已逾十稔。先人廬墓。久當回籍展視。徒以飢驅奔走。未克如願。致遭此變。悔何可追。此間現正料理出防需人之際。本不當誤爾言去。然某神志已昏。即勉強羈留。而寸心無主。亦難收贊助之益。伏乞

體諒下情。給假○月。俾得回籍修墓。一俟摒擋就緒。再當趨隸

仁枘。勉圖後報。臨穎悚迫。佇候

尊裁。敬請

勳安。諸祈

垂鑒。

請人代表出席聲明

○○先生閣下。會垣

舊雨。別久思深。瞻望

德音。睽懷曷旣。比維

興居多豫。動定罄宜。以忻以頌。此次○事開會。某本欲親自來。與

諸君子周旋討論。乃因職務羈束。不克分身。謹委託○君。代為


切已與接洽。如有商榷之件。儘可就近由○君代為解決。

諸君子前統希轉致為荷。肅泐奉布。順頌

大安。

○○謹上

○○



贈